

Маълумки, истиклол йилларида хаётилизнинг барча соҳалари катори миллий адабиётимиз хам том маънода янгиланиш ва юксалиш жараёнларини бошдан кечирмокда. Президентимиз Ислом Каримов томонидан олиб борилаётган давлат сиёсатида маънавият масаласига энг мухим ва устувор йўналиш сифатида катта ахамият берib келинаётгани бу борада хал килувчи ахамият касб этмоқда.

Давлатимиз раҳбарининг эътиборингизга хавола килинаётган ушбу рисоласи хам маънавиятга, унинг ажралмас кисми бўлган бадиий адабиётга бўлган юксак эътиборнинг яна бир амалий ифодасидир. Унда адабиётимизнинг бугунги куни ва эртанги истикболи, ёзувчилар олдида турган мухим ва долзарб вазифалар хакида, ижодкорнинг гражданлик позицияси, ижтимоий бурчи хусусида атрофлича фикр юритилади. Айни пайтда юртимиз зиёлиларининг энг илгор вакиллари бўлмиш адибларни ўз сафида бирлаштирган Ўзбекистон Ёзувчилар уюшмаси фаолиятининг самарадорлигини ошириш бўйича мухим амалий таклиф ва хулосалар илгари сурилади. Миллатимизнинг руҳи бўлган она тилимизни, халкмизнинг азалий кадриятларини келгуси авлодларга етказишда адабиётнинг ўрни ва ахамияти бекиёс эканига жиддий ургу берилади. Адабиётга эътибор — маънавиятга, келажакка эътибор экани, бинобарин, адабиётимиз ривожи учун нафакат ёзувчи ва шоирлар, балки бутун жамият масъул экани алоҳида таъкидланади.

Мазкур рисола ижодкор зиёлилар, филолог олимлар, адабиёт ўқитувчилари, оммавий аҳборот воситалари ходимлари, кенг жамоатчилик учун мўлжалланган бўлиб, ундан умумтаълим мактаблари, лицей ва коллежлар, олий ўкув юртларида адабиёт, миллий гоя, маънавият асослари, фалсафа ва бошка фан йўналишлари бўйича факултатив дарс, маҳсус курс ва машгулотлар олиб боришда фойдаланиш мумкин.

Адабиётга эътибор - маънавиятга, келажакка эътибор

Ўзбекистон Ёзувчилар уюшмаси хакида гапирганда, табиийки, халкимиз маънавиятининг, миллий тафаккуримизнинг ажралмас кисми бўлган, керак бўлса, унинг ўзагини ташкил этадиган она тилимизни, бой тарих ва кадимий анъаналарга эга адабиётимизни асрраб-авайлаб, ривожлантириб келаётган захматкаш инсонлар, уларнинг оғир ва масъулияти мөхнати барчамизнинг кўз олдимиздан ўтади.

Биз шоир деганда, аввало Алишер Навоийдек беназир зотларни, ёзувчи деганда, Абдулла Кодирий, Ойбек сингари ўз халки учун нафакат ноёб истеъоди, айни пайтда бутун хаётини багишлаган буюк ва мўътабар инсонларни тасаввур этамиз.

Бир сўз билан айтганда, халкимиз адабиётни муқаддас ва улуг бир даргох деб билади. Ана шундай баҳонинг ўзи эл-юртимиз хаётида бу соҳа намояндаларига, уларнинг хакконий сўзи, чукур маъноли асарларига ишонч, хурмат-эътибор ва эҳтиром азалдан юксак даражага кўтарилганини яккол кўрсатиб турибди.

Хеч шубҳасиз, зиёлиларнинг илгор кисми бўлмиш бадиий адабиёт вакилларининг халкимиз калбини, унинг олий максадлари, бугунги хаёти, такдири ва келажагини яқиндан биладиган инсонлар сифатида жамиятимиздаги ўрни ва таъсири бекиёсdir.

Энг мухими, ёзувчиларимиз ўтиш даврининг кийинчиликларига карамасдан, ўз ижодига, калб амри билан танлаган касбиға содик колиб, миллий ўзлигимизни англаш, халкимиз онгу тафаккурини ўзгартириш, маънавий кадриятларимизни тиклаш ва юксалтириш йўлида хизмат килиб келаётганини таъкидлаш хар томонлама тўгри бўлади.

Шахсан мен шоир ва адибларни доимо жамиятнинг олдинги сафларида юрадиган, хаётни кузатиб, одамларнинг юрагида, дунёкарашида бўлаётган ўзгаришларни хаммадан аввал сезиб, уларни таъсирchan образлар, ёркин бадиий бўёклар оркали маҳорат билан ёритиб бера оладиган, эл-юрт учун куйиниб яшайдиган фидойи инсонлар, деб биламан.

Мана, хадемай мустакиллигимизга ўн саккиз йил тўлади. Шу ўтган даврда биз юртимизда эркин, демократик жамият пойдеворини барпо этиш йўлида янгича руҳда ўсиб-улгаяётган навкирон авлодни вояга етказмоқдамиз. Савол тугилади: бу жараёнларга ёзувчилар кандай хисса кўшмоқда ва уларнинг олдида турган асосий вазифалар нималардан иборат?

Ўзбек тили, адабиёти бу борада кандай роль ўйнаши керак? Она тилимизни, бадиий тафаккуrimизни ривожлантириш оркали халк маънавиятини юксалтириш йўлида яна кандай ишларни килишимиз зарур?

Хозирги шиддат билан тез ўзгараётган замоннинг ўзи ўртага кўяётган кескин ва долзарб муаммоларни англаш, таъбир жоиз бўлса, давримизнинг бадиий солномасини яратишга ёзувчиларимиз кодирми?

Мана шундай катта масалалар билан майдонга чикиши керак бўлган Ёзувчилар юшмасининг фаолияти бизни, аввало, шоир-адибларимизнинг ўзини конктирадими?

Жамиятнинг илгор ва онгли вакилларини бирлаштирган мазкур ижодий ташкилот бугун олдимизда турган янги ва юксак марраларга халкни даъват этиш, айникса, таълим ва тарбия, маънавият, маданий хаётни ривожлантиришда нима иш килиши керак, деган саволни кун тартибига кўйиш ўринлидир.

Албатга, адабиёт, ижод ахли фаолиятига баҳо беришда, аввало, уларнинг меҳнати,

махорати ва истеъоди меваси бўлган асарларидан баҳраманд бўладиган кенг китобхонлар оммаси, жамоатчилик фикрига суюниш энг хакконий, демократик ёндашув эканини хаммамиз яхши тушунамиз.

Шуни айтиш жоизки, аксарият ёзувчиларимиз совет даврининг тарбиясини олган, узок йиллар хукмрон мафкура руҳида ижод килган. Лекин яна бир ҳакикат хам борки, уларнинг кўпчилиги коммунистик тузум гояларини сўзда маъкулласа хам, аслида ич-ичидан уларни кабул килмаган. Негаки, коммунистик тузум инсоннинг, бинобарин, миллат ва ҳалкнинг эркин ва озод яшашига, миллий тафаккур, диний кадриятларга карши бўлганини ижод ахли хаммадан кўра чукуррок анлаган.

Табиийки, давр такозосига кўра, ёзувчилар яшаш учун, ўз истеъододини рўёбга чиқариш учун коммунистик тузум билан муроса килишга мажбур бўлган. Шу маънода, мустабид тузум даврида виждан азобини ким кўпроқ тортган, деса, мен, доимо бу хаётнинг маъно-мазмуни, инсоннинг кадр-киммати, эл-юрт тақдири ҳакида кайгуриб яшайдиган одамлар ва уларнинг олдинги каторида бўлган ижод ахли, деб айтган бўлардим.

Барчамизга аёнки, XXI аср интеллектуал салоҳият, тафаккур ва маънавият асри сифатида инсоният олдида янги-янги уфклар очиш билан бирга, биз илгари кўрмаган, дуч келмаган кескин муаммоларни хам келтириб чикармоқда. Бугунги мураккаб ва таҳликали замонда ёзувчининг башариятнинг эртанги кунини ўйлаб, одамларни эзгуликка, инсоф-диёнат, меҳр-окибат ва багрикенгликка даъват этишга каратилган хароратли сўзи хар қачонгидан хам мухим ахамият касб этмоқда.

Яъни, ёзувчи «Эй одамзод, кўзингни оч, сен нима учун яшаяпсан, инсон деган юксак номга муносиб бўлиш учун нима киляпсан?» деган саволларни китобхон олдида, жамият олдида катъий килиб кўя олсагина, ўйлайманки, ўзининг инсоний ва ижодий бурчини бажарган бўлади.

Бундай маънавий хукукка эга бўлиш учун ижодкорларимиз, аввало катта билим ва хаётий тажрибага, кенг дунёкараш, юксак ижодий маҳоратга эга бўлиши, энг мухими, бу ўта огир, кучли иродани талаб этадиган жабхада ҳакикий фидойилик кўрсатиши лозимлигини яхши тушунамиз.

Шу боис хам хаётнинг ўзи Ёзувчилар уюшмаси фаолиятининг самарасини ошириш масаласини олдимизга долзарб вазифа килиб кўймокца. Мухтасар айтганда, бизнинг бадиий ижод соҳасига, бу Уюшманинг бугунги тақдири, эртанги кунига бефарқ бўлишга ҳак кимиз йўк.

Бизнинг бу борадаги барча саъй-харакатларимиз аввало Ёзувчилар уюшмасидаги мухитни яхшилаш, уни мавжуд огир вазиятдан чиқаришдек мухим масалани хал килишга каратилиши зарур. Бу борада Уюшма аъзолари, шоир ва адилларимизнинг ўзлари нима иш килиши, айни пайтда давлат, хукумат, Президент томонидан кандай ёрдам бериш кераклигини аниклаб олишимиз лозим.

Менинг фикрим бўйича, Ёзувчилар уюшмасининг биринчи раҳбаридан тортиб оддий

аъзосигача — унинг фаолиятига дахлдор хар бир одам ёзувчилар оламининг фикру зикрини, муаммоларини, бу ижодий ташкилотнинг Ўзбекистоннинг сиёсий-ижгиомий хаётидаги ўрни ва ахамиятини хар томонлама тушунишга кодир бўлиши керак.

Халкимиз йиллар, асрлар давомида орзишиб кутган озодликка эришиб, ўз такдирини ўз кўлига олганидан кейин хар кандай таҳдид ва хатарларга карамасдан, юртимиизда тинчлик ва осойишталикни саклаш, мустакилликни мустахкамлаш, эркин ва фаровон хаёт куриш максадида амалга ошираётган ишларимизни, энг мухими, бу борада кандай оғир йўллардан, кандай мураккаб босқичлардан ўтишга тўгри келаётганини чукур англаб этишимиз керак.

Адибларимиз айиан мана шундай масалалар устида, бугунги кунда уларнинг сўзи халк калбида кандай акс-садо бераётгани хакида яна бир бор ўйлаб кўришларини истардим.

Сир эмаски, бугун илгаригидек факат том-том асарлар чикариш билан иш битмайди. Нокулайрок бўлса хам, ўзимизга бир савонни бериб кўрайлик: кенг китобхонлар, айникса, хозирги ёшлар бу асарларни ўқияптими?

Тўгрисини айтадиган бўлсак, ёшлар бугун ахборог ва маълумотларни асосан Интернет оркали оляпти, дунёни телевидение, компьютер оркали танияпти. Ота-онаси, ўқитувчилари минг тарғиб-ташвиқ килмасин, бугунги ёшлар «Ўткан кунлар», «Уруш ва тинчлик» каби мумтоз романларни ёппаси га ўқияпти, деб айта оламизми?

Модомики, шундай экан, энди одамлар, ёшлар китоб ўқимай кўйди, деб факат нолиб ўтирмасдан, ана шу таъсирчан замонавий ахборот воситалари оркали адабиётимизни кенг тарғиб этиш, хусусан, Интернет имкониятларидан фойдаланиб, етук бадиий асарларни ёшларга етказиш устида хам жиддий бош котириш зарур, деб ўйлайман.

Бу хакда сўз борганда, ўзбек тилидаги Интернет адабиётини шакллантириш, шоир ва ёзувчиларимизнинг ўз веб-сайтларига эга бўлишига эришиш нафакат адабий жараёнга, керак бўлса, бутун маънавий-маърифий хаётимизга кучли таъсир ўтказишини сизлар албатта яхши тушунасиз.

Айни вактда ана шундай замонавий воситалар ёрдамида мумтоз адабиётамизни, жумладан, Алишер Навоий асарларини халкимизга яқинлаштириш, бу ноёб меросни хакикатан хам маънавиятимизнинг хаётбахш манбаи-га айлантириш барчамиз, аввало адабиёт ахлининг вазифаси, десак, хеч кандай хато бўлмайди.

Шу борада яна бир мухим масала устида ўйлаб кўришимиз керак. Яъни, ёзувчиларимиз ўз истеъододи билан одамларнинг онги ва дунёкараши, маданий савиясини юксалтириш, халк калбининг куйчиси бўлишдек оғир ва мураккаб, улуг бир вазифани зиммасига олган экан, аввало эл-юрт олдидаги фарзандлик бурчини, гражданлик позиияси ва масъулиятини чукур сезиши, англаши хал килувчи ахамиятга эга.

Менинг фикримча, ёзувчилик — бу оддий касб эмас, худо берган истеъододир. Бу — кисмат, пешонага ёзилган такдир. Бу касбга хеч каерда ўки гиб, ўргатиб бўлмайди.

Ёзувчиликнинг мактаби хам, дорилфунуни хам битта. У хам бўлса, бир умр хаётнинг ичида бўлиш, ўз халки билан хамдарду хамнафас бўлиб яшаш, хакикат ва адолатга садо-кат билан хизмат килишдир.

Шу маънода, Ёзувчилар уюшмаси юртимиздаги бошка жамоат ташкилотларидан мутлако фарқ килади. Бу Уюшма хар бири алохидат бир олам бўлган ўнлаб, юзлаб шоир ва адибларни, уларнинг нафакат моддий, балки маънавий манфаатларини, муаллифлик хукукларини химоя килиш, уларнинг истеъдодини рўёбга чиқариш учун бевосита масъул эканини хеч качон унутмаслигимиз керак.

Шу ўринда яна бир фикрга алохидат тўхталиб ўтмокчиман. Чинакам ижод ва истеъдод махсуси бўлган асарларни, ёзувчининг юрагидан, калбидан чик-кан хакконий ва таъсиричан фикрларни кенг оммага етказиш учун барча мав-жуд воситалардан унумли фойдаланиш зарур. Дейлик, эски даврда бўлганидек, ёзувчи нашриёт учун хизмат килишига чек кўйиш лозим.

Керак бўлса, нашриётлар хам, театрлар, радио-телевидение, киностудиялар хам ёзувчи ва шоирларнинг ижодини жамоатчиликка, ўкувчи ва томошибинларга етказиш, улар билан хамкорлик килишдан, уларга янада кенгрок минбар беришдан манфаатдор бўлиши лозим. Чунки, бу ижод турларининг хам таги-заминида биринчи навбатда адабиёт, сўз санъати туриши хеч кимга сир эмас.

Ёзувчилар уюшмаси фаолиятининг самарасини оширишда энг муҳим биринчи масала ижодкор ўзининг ижтимоий бурчини кандай тушуниши билан бевосита боғликдир. Нега деганда, адибнинг сўзи, унинг ижодий меҳна-тининг махсуси жамият тараккиёти учун накадар зарур эканини барчамиз, аввало шу соҳага кириб келаётган ва шу соҳада фаолият олиб бораётган адибларнинг ўзи яхши англаб олиши керак.

Таъбир жоиз бўлса, одам ёзувчилик касбини танламайди, аксинча, бу касб ёзувчини танлайди. Истеъдод, истеъдод ва яна бир бор истеъдод сохибларини топиш, тарбиялаш ва уларнинг меҳнатини муносиб кадрлаш энг асосий вазифамизга айланиши зарур.

Шундан келиб чикадиган иккинчи масала шуки, бугунги кунда ёзувчиларнинг машаккатли ижодий меҳнатини тўгри ва адолатли баҳолаш учун давлат ва жамият томонидан яна нима иш килиш керак, деган савол устида ўйлашимиз даркор. Аслида бу ўта мураккаб масала бўлиб, очигини айтганда, бир ёзувчига юкорирок, бошкасига эса пастрок баҳо беришда хакам бўладиган одам хам, аник мезон хам йўк.

Бундай вазифани ўз зиммасига оладиган кишилар, менинг назаримда, жуда оғир ва мушкул ишни ўз зиммасига олган бўлади. Нега деганда, инсоннинг хиссиятлари, унинг чексиз руҳий оламини тасвиirlаб берадитан, не-не буюк донишмандлар хам ожиз колган бу хаётнинг азалий ва абадий савдоларини акс эттирадиган ижод соҳасида кандайдир мезон ва меъёрлар механизмини ишлаб чишишнинг ўзи кийин нарса.

Айтайлик, заводда ишлаб чиқарилган буюм — соат ёки машинанинг сифатига баҳо бериш мумкин, лекин ижод махсусига шундай баҳо бериб бўлади-ми? Агар бу масаланинг

мохиятига тўгри етиб борилмаса, ялт этган ёш истеъдодга муносиб баҳо борилмаса, уни ижодий ишдан совутиб, кобилиягини сўндириб кўйиш хеч гап эмас. Бу эса гавхарнинг кадрига етмасдан, худдики уни тупрокка кўмиб кўйиш билан баробар, десак, муболага бўлмайди.

Хулоса шуки, адабий жараёнга, шоир ва адиблар фаолиятига баҳо беришда ўта нозиклик ва эҳтиёткорлик билан ёндашиш керак.

Менга колса, ўз истеъдоди, кўз нури ва юрак кўрини, бутун борлигини багишлаб, факат ижод билан шугулланадиган хакикий ёзувчиларни моддий ва маънавий томондан кўллаб-кувватлаш учун уларга барча шароит ва имкониятларни яратиб берган бўлардим.

Маълумки, Уюшма таркибидаги айнан шу масалалар билан шугулланиши лозим бўлган Адабиёт жамгармаси бугунги кунда молиявий жихатдан ночор ахволга келиб колган. Шу сабабли унинг ўрнида янги жамгарма — Ижод фон дини тузиш ва унинг фаолиятини йўлга кўйиш бу муаммоларни ечишга имкон тугдиради, деб ўйлайман.

Бунинг учун тегишли идора ва вазирликлар билан биргаликда Ижод фондининг низомини ишлаб чикиш ва тасдиклаш керак. Бу Фонднинг низом жамгармасини шакллантиришга албатта давлат ўз маблаги билан хисса кўшади.

Шунингдек, мамлакатимиздаги йирик ишлаб чикириш корхоналари, турли ташкилот ва муассасалар, халкаро ташкилотларнинг хайрия маблагларини хам бу жамгармага жалб этиш устида ишлашимиз керак.

Нега деганда, адабиёт масаласи — бу маъиавият масаласидир. Бу Фонд ёзувчиларни кўллаб-кувватлаш билан бир каторда, юртимизда ижод соҳасининг, миллий маданиятимизнинг ривож тониши учун, келажагимиз учун хизмат килишини ёддан чикармаслигимиз лозим. Ижодий жараённинг, адабиётнинг асосий бунёдкори — бу ёзувчи ва шоирлардир. Лекин бу ишни факат уларнинг елкасига ташлаб кўймасдан, жамоатчилик, бутун жамиятимиз унга ўз хиссасини кўшиши керак.

Айни пайтда бундай Фонд ёзувчиларнинг ижодий фаолиятини оширишга хизмат киладими ёки бокимандаликка олиб келадими — бу хакда хам хар томонлама чукур ўйлаш лозим. Бошлиётган ишларимиз амалий самара бериши, гоявий-бадиий етук асарлар яратишига замин тугдириши учун пухта ўйланган механизmlарни яратишимииз зарур.

Шундан келиб чиккан холда, ижодий фаолият учун калам хаки тўлаш тизимини кайта кўриб чикиш керак. Бу — энг нозик масала. Бу тизим адолатли бўлиши, Ёзувчилар уюшмаси ишининг самарасини оширишда рагбатлантирувчи омил вазифасини бажариши, содда килиб айтганда, хакикий ижод намунасини калбаки асарлардан, яъни шолини курмақдан ажратишига хизмат килиши керак.

Ижод ахли учун шарт-шароитларни яхшилаш хакида гапирганда, яна бир масалага алоҳида эътибор каратиш зарур. Ёзувчилар уюшмасининг поликлиникасини ва

Дўрмондаги ижод уйини таъмирлаш бўйича карор лойихасини тайёрлаш лозим.

Бунинг учун Вазирлар Махкамасининг захира жамгармасидан маблаг ажратишни кўзда тутиш, таъмирлаш ишларини 2010 йилда амалга ошириш, жорий йилда эса тегишли лойиха-смета хужжатларини тайёрлаш керак. Шу билан бирга, Дўрмон ижод уйининг бугунги кун талаблари асосида самарали фаолият юритишини таъминлаш учун унинг хам низомини ўзгартериш зарур.

Барчамиз яхши англаймизки, адабиётда хам анъаналар давомийлиги, кекса авлод вакилларига хурмат-эътибор, уларнинг билим ва тажрибасини ёшларга ўргатиш хал килувчи ахамиятга эга. Шу маънода, Уюшма фаолиятида кекса адилларга эътиборни янада кучайтириш керак, деб ўйлайман.

Ёши улуг ёзувчиларга, асарлари ёшларимиз учун ибрат мактаби бўлиб хизмат киладиган оксолларга ёрдам тарикасида Ижод фондидан маълум микдордаги маблагни Ёзувчилар уюшмасининг карори билан уларга бериб бориш айни муддао бўлур эди.

Бундай савобли ишни маданият ва санъатнинг бошка соҳаларида хам жорий этиш зарур, деб хисоблайман.

Учинчи масала. Бу чора-тадбирлардан кўзда тутилган асосий максад — Ёзувчилар уюшмасининг хаётимизда-ги ўрни ва нуфузини янада оширишдан иборат. Токи Уюшмага аъзо бўлган хар кайси инсон авваламбор бу ташкилот унинг ижодини ривожлантириш, асарларини жамоатчиликка етказиш, истеъдодини рўёбга чикариш, муаллифлик хукукларини химоя килиш борасида амалий ёрдам ва кўмак беришга кодир эканини якиндан хис кили ши лозим.

Ўзимизга савол берайлик: хўп, бир каламкаш уюшмага аъзо бўлди. Бунинг таъсирини бугунги кунда у ўз ижоди-да, хаётида сезадими? Афсуски, бу саволга ижобий жавоб бериш кийин. Яъни, ёзувчиларда Уюшма мени ўз багрига олди, энди хотиржам бўлиб, ижод билан шугулланишим мумкин, деган тушунчани хис этиш, шундан коникиш хосил килиш йўк.

Уюшма — бу бирлашма дегани. Шундай экан, ягона эзгу максад йўлида бирлашган одамлар бир-бирига елкадош бўлиб, бир-бирини кўллаб-куватлаб яشاши керак эмасми?

Уюшма раҳбариятининг асосий бурчи, вазифаси, такрор айтаман, биринчи навбатда ижодкорлар учун зарур шарт-шароит яратишдан иборат бўлиши керак. Бу вазифаларни амалга ошириш учун эса аввало моддий асос, молиявий заминга эга бўлиш лозим.

Шу билан бирга, Ёзувчилар уюшмасининг сифат таркибини хам кўриб чикиш зарур, деб ўйлайман. Бу мукаддас даргоҳ не-не улуг ижодкорларнинг кутлуг номлари, ижодий мероси билан боғлик. Шундай экан, Уюшма ўзининг обрў-эътибори ва юксак макомига муносиб бўлиши, адабиётни ўз хаётининг маъно-мазмуни деб биладиган фидойи инсонларгина бу ташкилотга аъзо бўлиши керак.

Тўртинчи масала — ёш ижодкорлар билан ишлаш масаласи. Истеъдодли ёшларни излаб топиш ва уларнинг иктидорини рўёбга чикаришда чукур ўйланган усууллар, яъни аник механизм зарурлигини бугун адабиётимиз манфаатлари талаб этмоқда. Ёш адиб ва шоирлар, адабий танқидчиларнинг хар бири ўз асарлари билан адабий жамоатчилик назаридан, ижодий танловлар, жиддий такризлардан ўтиб, тегишли эътирофга сазовор бўлиб, шундан кейингина адабиёт майдонига ва Уюшма аъзолигига кириши лозим. Авваламбор, устоз адибларни, Ёзувчилар уюшмасининг тажрибали ва нуфузли аъзоларини ёшлар билан ишлашдек мухим жараёнга кенг жалб килишимиз даркор.

Уюшма низомида бу масалага ало-хида эътибор каратиш, умуман, бу борада алоҳида хужжат ишлаб чикиш ва кабул килиш зарур. Айникса, вилоятларда бу ишни алоҳида кўриб чикиш ва назоратга олиш керак.

Уюшма аъзолигига даъвогарларнинг асарларини баҳолашда истеъдод ва факат истеъдод асосий мезон бўлиши зарур. Бунинг учун нафакат марказда, балки жойларда хам фаолият кўрсатаётган ижодий тўгарак ва семинарларнинг иш самарасини ошириш, баҳс-мунозаралар, мушоиралар, фикр алма-шувлар, шу билан бирга, устоз ёзувчи ва шоирларнинг маҳорат мактабини ўрганиш бўйича машгулотлар олиб боришни кучайтириш даркор.

Ёш ижодкорлар ўртасида ўтказиладиган танловларда катнашаётган каламкашлар орасидан энг яхши истеъдод эгаларини танлаб олишда Ёзувчилар уюшмаси асосий ташаббускор бўлиши, бу ишларни «Камолот» ёшлар ижтимоий харакати билан биргаликда амалга ошириши зарур.

Бу борада амалий натижа бермаётган баъзи бир юзаки тадбирлар хам борки, улар бугун ўзини канчалик окляпти — бу масалани хам алоҳида кўриб чикиш керак. Умуман, ёш ёзувчиларнинг ижодий семинарларини санаторийларда, хушхаво чаманларда ўтказиш шартми? Ахир, ёзувчи зоти доимо хаёт кўйнида бўлиши, унинг кайнок нафасини сезиб туриши керак эмасми?

Иход — бу ўзини кийнash, машаккат чекиш, хузур-халоватдан воз кечиш, том маънода фидойилик демакдир. Чинакам ёзувчи одамларнинг дарду гами билан яшashi, халк ичига кириб бориши, ўзи учун илхомни, янги мавзуларни шу хаётдан, унда бўлаётган ўзгаришлардан олиши кераклигини барчамиз яхши биламиз.

Шундай экан, нима учун бу анжуманлар турли вилоятларда эмас, хар йили бир жойда ўтади? Колаверса, бу семинарларга номзодларни танлаб олиш бўйича аник тартиб-коидаларни ишлаб чикиш хакида хам бош котириш фурсати етди, деб ўйлайман.

Бешинчи масала. Назаримда, биз бир вактлар раҳматли Озод Шарафиддинов бошлаган мухим бир ишни эътибордан четда колдиргандекмиз. Яъни, у киши «Жаҳон адабиёти» журнали оркали бошлаб берган дунё адабиётининг энг яхши намуналарини таржима килиш, чоп этиш, ўрганиш бидан баглик тажрибалар, чет эл ёзувчилари билан алокаларни янада ривожлантириш масаласига бугун етарлича ахамият бермаяпмиз. Холбуки, биз маънавиятимизни юксалтириш, ёшларимизни миллий ва умуминсоний

кадриятлар руҳида камол топтиришга интилаётган эканмиз, хеч качон ўз кобигимизга ўралашиб колмаслигимиз керак.

Кискача айтганда, бошка соҳалар катори адабиёт соҳасида хам халкаро алокаларни кучайтириш зарур. Кайси мамлакатда бизнинг адабиётимиз, маданиятимиз, кадриятларимизга хурмат билан карашади, хориждан биз нималарни ўрганишимиз мумкин ва, ўз навбатида, уларга нималарни тақдим этишимиз мумкин — бугун бу масалалар халкаро майдонда ўзлигимизни намоён этишда катта ахамиятга эга эканини доимо ёдда тутишимиз лозим.

Мен бу борада Гарб билан бирга Шарк мамлакатлари, жумладан, Япония, Хитой, Жанубий Корея билан, Миср, Бирлашган Араб Амирликлари, Кувайт каби араб давлатлари билан алокаларни кучайтиришни тавсия этган бўлардим.

Бундай ижодий хамкорлик алокаларини баглашда албагга ўзаро тенглик, хурмат ва самимият гоят зарур. Шуни унутмаслик керакки, ўзбек миллати, ўзбек халки — худонинг назари тушган миллат. Ўзбекистон — Оллоҳ назар солган юрт. Бизнинг юртимиз, халкимиз хеч кимдан кам эмас ва хеч качон кам бўлмайди.

Энг охирги масала — нашриётлар ва нашр масаласи. Бугунги кунда нашриётларга тўла эркинлик берилган, уларнинг фаолиятига хеч ким четдан туриб аралаша олмайди. Лекин ана шу эркинликни тўгри тушуниш, масалага масъулият билан ёндашиш даркор. Яъни, факат иктисадий манфаат ортидан кувиб бадиий жихатдан заиф, миллий маънавиятимиз, кадриятларимизга тўгри келмайдиган, адабиётнинг обрўсини туширадиган китоблар нашр этилишига йўл кўймаслик керак.

Айникса, адабий жараён кўзгуси бўлган газета ва журналларда шеър ва хикояларни чоп этишда талабчанлик ва масъулиятни янада кучайтириш керак, десам, ўйлайманки, муҳтарам адибларимиз хам бу фикрга кўшиладилар.

Бунда, айникса Уюшма муассислигига чоп этиладиган «Ўзбекистон адабиёти ва санъати» газетаси, «Шарк юлдузи», «Звезда Востока», «Ёшлиқ», «Амударё» журналлари фаолиятини хар томонлама кучайтириш, уларнинг моддий-техник базасини мустахкамлаш, шаклу шамойили, мавзу-мундарижасини яхшилаш, муаллифлар, ижодий жамоатчилик билан кенг хамкорликда иш олиб боришни таъминлаш, сўзсиз, катта ахамият касб этган бўлур эди.

Бундан ташкири, хар бир китоб, хар бир бадиий асарнинг талаб даражасида чоп этилишида Ёзувчилар уюшмаси ва нашриётлар ўртасида якин хамкорлик ўрнатиш, ўз таркибида истеъдодли, холис ва адолатли адаб ва мунаккидларни бирлаштирган ижодий кенгашларнинг самарали фаолият кўрсатишига эришиш керак.

Ёш ижодкорларнинг асарларини чоп этишга хам айнан шу кўз билан караб, бу масалага алоҳида эътибор бериш лозим. Бундай ёндашув мархум Мухаммад Юсуф каби хакикий истеъдодларни кашф этиш ва уларнинг ижодини халкка етказишда энг тўгри ва адолатли йўл бўлади.

Менимча, бу масаланинг асосий калити — чинакам иктидор эгаси бўлган ёш ижодкорларнинг биринчи китобини давлат хисобидан чоп этишдан иборат. Бу борада Ёзувчилар уюшмаси ва нашриётлар Халқ таълими хамда Олий ва ўрта маҳсус таълим вазирликлари билан шартнома тузиб, бу китобларни уларнинг кутубхоналарига, ахборот-ресурс марказларига етказиб бериш ва шу тарика минг-минглаб фарзандларимизнинг бу асарлардан баҳраманд бўлишига эришиш мумкин.

Шу билан бирга, академик лицей на касб-хунар коллежларида, олий ўкув юртларида таълим олаётган ёшларнинг ана шу китоблар хакидаги фикрларини ўрганиш ёшларимиз ўртасида китобхонлик маданиятини ошириш, ёзувчи ва ўкувчи ўртасидаги мулокотни кучайтиришга хизмат килиши табиийдир.

Айникса, биз учун гоят мухим ахамиятга эга бўлган болалар адабиётини ривожлантиришга алоҳида эътибор беришимиз, мустакил фикрлайдиган шахснинг шаклланиши, хар кандай китобхонлик, мутолаа маданияти болаликдан бошланишини доимо ёдда тутишимиз лозим.

Ёш истеъододларни айнан ана шундай талаблар асосида камол топтириш, уларнинг адабиёт оламида ўз муносиб ўрнини эгаллашини гаъминлаш учун Ёзувчилар уюшмаси кошидаги Ёш ижодкорлар билан ишлаш кенгашининг фаолиятини тубдан кайта кўриб чикиш ва янгича асосда кайта ташкил этиш лозим.

Мана шу фикрларни сизларга муро-жаат тарикасида етказиб, бу масалалар хусусида сизлар билан, яъни, давлат ва ижодий ташкилотлар билан биргаликда бош котириб, тегишли хуроса ва карорлар чиқариш ўринли, деб биламан.

Шу билан бирга, илгари билдириган бир фикримни таъкидлаб айтмокчиман: агар биз Ўзбекистонимизни дунёга тараннум этмокчи, унинг кадимий тарихи ва ёруг келажагини улугламокчи, уни авлодлар хотирасида бокий сакламокчи бўлсак, авваламбор буюк ёзувчиларни, буюк шоирларни, буюк ижодкорларни тарбиялашимиз керак. Нега деганда, улуг адаб Чўлпон айтганидек, адабиёт яшаса — миллат яшайди.